

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Մ.Գրիգորյանի, ով գործում է ընկերության Կանոնադրության հիման վրա, մի կողմից, և

Անհատ ձեռնարկատեր Աղասին Էլիզբարյանը (այսուհետ՝ Կատարող), մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),
կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուի հանձնարարությամբ մատուցել սույն Պայմանագրի 1.2. կետով սահմանված ծառայությունները (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց սույն Պայմանագրով նախատեսված կարգով, չափով և ժամկետում:
- 1.2. Կատարողը պարտավորվում է՝
 - Կատարել Պատվիրատուի՝ 2007-2012 թվականների արխիվային փաստաթղթերի արժեքավորման փորձաքննություն, այսինքն՝ առանձնացնել, կարել, համարակալել, կազմել մշտական պահպանության ենթակա և Պատվիրատուի աշխատակիցներին վերաբերող փաստաթղթերը, ինչպես նաև կազմավորել դրանց վերաբերյալ ամփոփ տեղեկատվություն պարունակող ցուցակներ,
 - Անհրաժեշտության դեպքում Պատվիրատուին ներկայացնել առանձին բացակայող փաստաթղթերի վերականգնման առաջարկություններ,
 - Ոչնչացման ենթակա փաստաթղթերի առկայության դեպքում կազմակերպել դրանց ոչնչացման գործընթացը և Պատվիրատուին տրամադրել այդպիսի ոչնչացման գործընթացին վերաբերող բոլոր փաստաթղթերը, այդ թվում՝ ոչնչացված փաստաթղթերի ցանկեր, փաստաթղթերի ոչնչացման փաստով կազմված ակտեր՝ փաստաթղթերի ոչնչացման տեղի և ժամանակի, ոչնչացված փաստաթղթերի փաստացի քաշի մասին նշումով և այլն,
 - Պատվիրատուի աշխատակիցներին վերաբերվող համապատասխան փաստաթղթերը պահպանության հանձնել Հայաստանի Հանրապետության տարածքային կառավարման և զարգացման նախարարության ենթակայությամբ գործող «Հայաստանի ազգային արխիվ» պետական ոչ առևտրային կազմակերպությանը:
- 1.3. Կատարողը երաշխավորում է, որ իր կողմից մատուցված Ծառայությունների արդյունքը կհամապատասխանի 08/06/2004թ.-ի «Արխիվային գործի մասին» ՀՕ-88-Ն ՀՀ օրենքով, ինչպես նաև ՀՀ-ում արխիվային գործը կարգավորող այլ նորմատիվ փաստաթղթերով սահմանված պահանջներին:
- 1.4. Կատարողն իրավունք ունի պատճենահանել Պատվիրատուի տրամադրած բոլոր, այդ թվում՝ էլեկտրոնային փաստաթղթերը և իր մոտ պահել այդպիսի պատճենները, եթե դա ողջամտորեն անհրաժեշտ է Ծառայությունների մատուցման փաստն ապացուցելու և/կամ փաստաթղթերի արժեքավորման փորձաքննություններով իր արած հետևությունները հիմնավորելու համար և/կամ կիրառելի մասնագիտական ստանդարտներով և հրահանգներով սահմանված դեպքերում:
- 1.5. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:
- 1.6. Ծառայությունները մատուցվում են 2019թ.-ի սեպտեմբերի 16-ից մինչև հոկտեմբերի 31-ը ներառյալ:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 2.1. **Պատվիրատուն իրավունք ունի՝**
 - 2.1.1. Կատարողից պահանջել սույն Պայմանագրով նախատեսված Ծառայությունները մատուցել պատշաճ որակով և սահմանված ժամկետում,
 - 2.1.2. Ստուգել Կատարողի կողմից Ծառայությունների մատուցման ընթացքը և որակը՝ առանց միջամտելու վերջինիս գործունեությանը,
 - 2.1.3. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս,
 - 2.1.4. Պահանջել Կատարողից այդպիսի պահանջի ներկայացման պահից 1 (մեկ) աշխատանքային օրվա ընթացքում տրամադրել Ծառայությունների մատուցման ընթացքի վերաբերյալ տեղեկատվություն,
 - 2.1.5. Սույն Պայմանագրի շրջանակներում Կատարողին տալ Ծառայությունների մատուցման վերաբերյալ ցուցումներ,
 - 2.1.6. Պահանջել Կատարողից հատուցել Ծառայությունների մատուցման ընթացքում Պատվիրատուին պատճառված վնասն ամբողջությամբ՝ ներառյալ բաց թողնված օգուտը:
- 2.2. **Պատվիրատուն պարտավոր է՝**
 - 2.2.1. Ծառայությունների մատուցման նպատակով Կատարողի ներկայացուցիչներին տրամադրել Պատվիրատուի տարածք մուտք գործելու հնարավորություն,
 - 2.2.2. Սույն Պայմանագրի կատարման համար Կատարողին տրամադրել անհրաժեշտ փաստաթղթերը և տեղեկատվությունը,
 - 2.2.3. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքում՝ այդ մասին անհապաղ հայտնել Կատարողին,
 - 2.2.4. Վճարել Կատարողին մատուցված Ծառայությունների համար՝ սույն Պայմանագրով սահմանված չափով, կարգով և ժամկետում:
- 2.3. **Կատարողն իրավունք ունի՝**
 - 2.3.1. Պատվիրատուից պահանջել տրամադրել Պատվիրատուի տարածք մուտք գործելու հնարավորություն,
 - 2.3.2. Պատվիրատուից պահանջել տրամադրել սույն Պայմանագրի կատարման համար անհրաժեշտ փաստաթղթերը և տեղեկատվությունը,
 - 2.3.3. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
 - 2.3.4. Պատվիրատուից պահանջել վճարել մատուցված Ծառայությունների դիմաց՝ սույն Պայմանագրով սահմանված չափով, կարգով և ժամկետում:
- 2.4. **Կատարողը պարտավոր է՝**
 - 2.4.1. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
 - 2.4.2. Ծառայությունները մատուցել սույն Պայմանագրով սահմանված ժամկետում և պատշաճ որակով, ՀՀ օրենսդրությամբ սահմանված համապատասխան նորմերի, կանոնների և ստանդարտների պահանջներին համապատասխան,
 - 2.4.3. Հետևել սույն Պայմանագրի շրջանակներում Ծառայությունների մատուցման վերաբերյալ Պատվիրատուի տված ցուցումներին,
 - 2.4.4. Աջակցել Պատվիրատուին Ծառայությունների մատուցման ընթացքը և որակը ստուգելիս,
 - 2.4.5. Պատվիրատուի պահանջով վերջինիս ներկայացնել Ծառայությունների մատուցման ընթացքի վերաբերյալ տեղեկատվություն,
 - 2.4.6. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման ընթացքում հայտնաբերված թերությունները և/կամ շեղումները:
 - 2.4.7. Հանձնման-ընդունման ակտի ստորագրման հետ մեկտեղ Պատվիրատուին տեղեկացնել Ծառայությունների արդյունքի շահագործման պահանջների և կանոնների, այդ պահանջները և կանոնները չպահպանելու հետևանքների վերաբերյալ, եթե դա կիրառելի է Ծառայությունների բնույթից ելնելով:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրի գինը կազմում է 600 000 (վեց հարյուր հազար) ՀՀ դրամ՝ ներառյալ բոլոր կիրառելի հարկերը: Սույն կետում նշված գինը ներառում է Ծառայությունների մատուցման նպատակով Կատարողի կողմից իրականացվող բոլոր ծախսերը:
- 3.2. Պատվիրատուն սույն Պայմանագրի գինը վճարում է հետևյալ ժամանակացույցով.
 - 300 000 (երեք հարյուր հազար) ՀՀ դրամ՝ մինչև 2019թ.-ի հոկտեմբերի 10-ը ներառյալ,
 - 300 000 (երեք հարյուր հազար) ՀՀ դրամ՝ հանձնման-ընդունման ակտի և հաշիվ-ապրանքագրի երկկողմանի հաստատվելուց հետո 30 (երեսուն) աշխատանքային օրվա ընթացքում:
- 3.3. Սույն Պայմանագրով վճարումներն իրականացվում են անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Կատարողի բանկային հաշվին դրամական միջոցների մուտքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

- 4.1. Սույն Պայմանագրով նախատեսված Ծառայությունների մատուցման ավարտից հետո 3 (երեք) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-ապրանքագիրը:
- 4.2. Հանձնման-ընդունման ակտը ներկայացնելու օրվանից 3 (երեք) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը և առարկությունների բացակայության դեպքում հաստատում է հանձնման-ընդունման ակտը և հաշիվ-ապրանքագիրը:
- 4.3. Այն դեպքում, երբ մատուցված Ծառայություններում հայտնաբերվում են թերություններ և/կամ շեղումներ, Պատվիրատուն պարտավորվում է սույն Պայմանագրի 4.2 կետում նշված ժամկետում Կատարողին գրավոր ներկայացնել հանձնման-ընդունման ակտի չհաստատման հիմնավորում՝ նշելով հայտնաբերված թերությունները և/կամ շեղումները և սահմանելով դրանց վերացման ողջամիտ ժամկետ:
- 4.4. Այն դեպքում, եթե Պատվիրատուն սույն Պայմանագրի 4.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթիվով:
- 4.5. Մինչև հանձնման-ընդունման ակտի երկկողմանի հաստատվելը, Ծառայությունների մատուցման նպատակով Կատարողին տրամադրված փաստաթղթերի պատահական կորստի կամ պատահական վնասվածքի ռիսկը կրում է Կատարողը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Կատարողի կողմից Ծառայությունների մատուցման ժամկետի խախտման դեպքում, Պատվիրատուն իրավունք ունի Կատարողից գանձել տույժ՝ կետանցի յուրաքանչյուր օրվա համար սույն Պայմանագրի գնի 0,5 (զրո ամբողջ հինգ տասնորդական) տոկոսի չափով, բայց ոչ ավելի քան վճարման ենթակա գումարի 5 (հինգ) տոկոսը:
- 5.3. Սույն Պայմանագրի 5.2 կետով նախատեսված տույժը կարող է հաշվարկվել և հաշվանցվել Կատարողին վճարման ենթակա գումարներից:
- 5.4. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում, Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար սույն Պայմանագրի գնի 0,5 (զրո ամբողջ հինգ տասնորդական) տոկոսի չափով:

- 5.5. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:
- 5.6. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:

6. ՖՈՐՍ-ՄԱՃՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի կատարման նպատակով Կատարողին փոխանցված բոլոր փաստաթղթերի բովանդակությունը, տեղեկությունները, ինչպես նաև Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող տրամադրվել որևէ երրորդ կողմի, բացառությամբ պետական մարմինների, դատարանների պաշտոնական հարցումների, մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության ընթացքում, ինչպես նաև դրանից հետո 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրվեին իրենց իսկ նման տեղեկատվության պաշտպանության համար:

8. ԵԶՐԱՓՈՒԿ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցել երրորդ անձի՝ առանց մյուս Կողմի գրավոր համաձայնության:
- 8.4. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.5. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:

- 8.6. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 8.7. Սույն Պայմանագիրը կարող է վաղաժամկետ լուծվել սույն Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ:
- 8.8. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, վերջինս պարտավոր է այդ մասին պատշաճ կերպով գրավոր ծանուցել մյուս Կողմին՝ համապատասխան փոփոխությունից հետո 5 (հինգ) աշխատանքային օրվա ընթացքում:
- 8.9. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.10. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.11. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՏՎՅԱԼՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ք.Երևան, Գ.Հովսեփյան 26

ՀՎՀՀ՝ 01540062

«Արդշինբանկ» ՓԲԸ

Հ/Հ՝ 2470102796740000

Մ.Գրիգորյան
Գործադիր տնօրեն



Կատարող

Ա/Ձ Աղասին Էլիզբարյան

Հասցե՝ ք.Երևան, Դավթաշեն 3-րդ թաղ, 24 շենք,
բն. 9

ՀՎՀՀ՝ 27867601

«Ակբա-Կրեդիտ Ագրիկոլ բանկ» ՓԲԸ

Հ/Հ՝ 220299601835000

Ա.Էլիզբարյան